



Репортаж

## ЮРТНИНГ СОДИҚ ЎҒЛОНЛАРИ қасамёд қабул қилди



### ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИ КЕНГАШИНИНГ МАЖЛИСИ ТЎҒРИСИДА АХБОРОТ

2015 йил 19 ноябрь куни Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Мажлисни Олий Мажлис Сенатининг Раиси Н. Йўлдошев олиб борди.

Кенгаш Тошкент шаҳрида Ўзбекистон Республикаси Олий Мажлиси Сенатининг тўртинчи ялпи мажлисини шу йилнинг 3 декабрь куни чақириш тўғрисида қарор қабул қилди.

Сенат ялпи мажлисининг муҳокамасига аҳоли турмуш даражасининг янада оширилишини ва унинг ижтимоий ҳимоя қилиниши кучайтирилишини, иқтисодиётнинг юқори ҳамда барқарор суръатларини, аҳоли бандлигини таъминлашни назарда тутувчи Ўзбекистон Республикасининг 2016 йилги Давлат бюджети тўғрисидаги, шунингдек, 2016 йилда иш ўринлари ташкил этиш ва аҳоли бандлигини таъминлаш дастури тўғрисидаги масалаларнинг киритилиши режалаштирилмоқда.

Сенат ялпи мажлисининг кун тартибига мамлакат сиёсий ва ижтимоий-иқтисодий ҳаётининг барча соҳаларини босқичма-босқич ислоҳ қилишга ва эркинлаштиришга, Ўзбекистон Республикасининг Конституциясига киритилган тузатишларни амалга оширишга қаратилган Ўзбекистон Республикасининг қатор қонунлари киритилмоқда. «Электрон ҳукумат тўғрисида»ги, «Ўзбекистон Республикасининг Божхона кодексини тасдиқлаш тўғрисида»ги, «Ўзбекистон Республикасининг Божхона кодекси (янги таҳрири) қабул қилиниши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш, шунингдек айрим қонун ҳужжатларини ўз кучини йўқотган деб топиш тўғрисида»ги, «Ветеринария тўғрисида»ги (янги таҳрири), «Дори воситалари ва фармацевтика фаолияти тўғрисида»ги (янги таҳрири), «Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги Қонунлар ҳамда демократик ислохотларни янада чуқурлаштиришни, давлат қурилиши асосларини мустаҳкамлашни, инвестиция имкониятлари ва ишбилармонлик муҳитини яхшилашни, тадбиркорликни ривожлантиришни, шу жумладан, замонавий ахборот-коммуникация технологияларини жорий этиш орқали ривожлантиришни, аҳолининг ҳаёти ва саломатлиги кўриқланиши таъминланишини, суд-ҳуқуқ соҳаси такомиллаштирилишини назарда тутувчи қонунлар шулар сирасидандир.

Шу билан бирга, навбатдаги ялпи мажлисда сенаторлар Ўзбекистон Республикаси Бош прокурорининг қонунийликни мустаҳкамлаш, фуқаролар ва тадбиркорлик субъектларининг ҳуқуқ ҳамда қонуний манфаатлари ҳимоясини таъминлаш бўйича кўрилатган чора-тадбирлар тўғрисидаги ҳисоботини муҳокама қилдилар.

Ялпи мажлисда Ўзбекистон Республикаси Олий Мажлиси Сенатининг ваколатига тааллуқли бошқа масалалар ҳам кўриб чиқилади.

Олий Мажлис Сенати кўмиталарининг ва Девонининг тўртинчи ялпи мажлисга тайёргарлик кўриш ҳамда уни ўтказишга доир ишларини мувофиқлаштириш учун Кенгаш томонидан тегишли ишчи гуруҳ тузилди.

**Ўзбекистон Республикаси  
Олий Мажлиси Сенатининг  
Ахборот хизмати.**



**Юрт тинчлиги, ҳаётимиз осудалигининг қадрига етиб, уни кўз қорачиғидай асраб-авайлаш шу заминни ўз Ватани деб билган ҳар бир инсоннинг муқаддас бурчидир. Фуқаролар хавфсизлигини таъминлаш, жамоат тартибини сақлаш, жиноятларнинг турли кўринишларига қарши муросасиз курашишни ўз вазифаси деб билган, бунинг учун халқ олдида қасамёд қилганларнинг Ватан олдидаги бурчи, масъулияти икки қарра ортади.**

Республика ИИВ Академиясининг ўқув-дала майдонида Сержантлар таркибини тайёрлаш бўйича олий курслари курсантларининг ички ишлар идоралари ходими қасамёдини қабул қилиш маросими ҳам буни яққол исботлади. Тад-

лим олиб, мутахассислик сирасорларини пухта ўрганишлари учун барча шарт-шароитлар яратилгани, кенг ва ёруғ аудиториялар, маъруза заллари, зарур техника воситалари улар ихтиёрида эканлигини таъкидлади.



бирга таклиф этилган меҳмонлар минбарга кўтарилган, олий курслар бошлиғи ўринбосари, подполковник Ж. Жумабоев курсантлар қасамёд қабул қилишга тайёр эканлиги тўғрисида ахборот берди.

Тадбирни ИИВ Академияси бошлиғи, генерал-майор Ш. Икрамов очар экан, аввало, йиғилганларни шодиёна кун билан самимий қутлади. Курсантлар таълим муассасасида чуқур би-

Шундан сўнг курсантлар она Ватани, халқи ва Президентига содиқ бўлишга қасамёд қилишди. Ушбу маросим фарзандларини қутлаш учун келган ота-оналарнинг қалбини янада қувончга тўлдирди. Мана шундай мард, жасур ўғил-қизларни вояга етказганларидан фахрланишди.

Шундан сўнг ота-оналар номидан сўзга чиққан М. Мирзимова фарзанди қатори

қасамёд қилганларнинг барчасини чин дилдан муборакбод этди. Академия профессор-ўқитувчилари номидан Олий курслар махсус фанлар цикли бошлиғи, подполковник У. Нуруллаев, курсантлар номидан А. Чориев сўзга чиқиб, ўзларининг самимий тилаklarини билдиришди.

— Бугун менин орзуим ушалган кун. Хизмат қасамёдини қабул қилиб, ички ишлар идоралари ходими бўлдим. Жонажон Ватанимнинг шаъни ва кадр-қимматини ҳимоя қилиш ҳар бир фуқаронинг бурчи эканлигини теран англадим. Бизнинг пухта билим олишимиз, осойишталик посбони бўлиб етишишимизга шароит яратиб бергани учун Президентимиз, ҳукуматимиз ва вазирлик раҳбариятидан миннатдорман, — дейди курсант Ф. Халилова.

Фурсатдан фойдаланиб, 5-отряд командирининг тарбиявий ишлар бўйича ўринбосари, катта лейтенант А. Иброҳимовдан мазкур йиғин курсантларининг қасамёд қабул қилиш маросимидан олган таассуротлари тўғрисида сўраганимизда, жумладан, шундай деди:

— Қасамёд қабул қилган курсантларимиз юз-кўзида қатъият, фахр туйғуларини кўрдим. Бу уларнинг эл-юрт осойишталиги йўлида ҳар қандай тўсиққа қарши курашишга тайёрлигини, Ватан тақдири, келажаги мана шундай мард ва шижоатли ёшлар кўлида эканлигини билдиради.

Тадбир сўнггида ИИВ Маданият саройи ашула ва рақс ансамбли хонандалари томонидан ижро этилган дилрабо куй-қўшиқлар барчага хуш кайфият бағишлади.

**Михли САФАРОВ,  
кичик сержант.  
Абу КЕНЖАЕВ  
олган суратлар.**



Давлатимиз байроғи қабул қилинганлигининг 24 йиллиги республика ИИБ Академиясида ҳам кенг нишонланди. Шу муносабат билан «Байроғимиз — фахримиз» мавзусида давра суҳбати ташкил этилди.



## ХАЛҚИМИЗНИНГ ШОН-ШАРАФИ, ҒУРУРИ

Академия кундузги таълими курслари тингловчилари ҳамда Сержантлар таркибини тайёрлаш бўйича олий курслари курсантлари иштирокида бўлиб ўтган тадбирда таълим муассасасида фаолият юритаётган профессор-ўқитувчилар ўз маърузалари билан иштирок этишди.

Давра суҳбатида сўзга чиққанлар давлат рамзлари фуқароларда ўз Ватанига эгалик ҳисси, ундан фахрланиш туйғуларини кучайтирувчи қудратли восита эканлигини, халқимизни минг йиллар давомида шакланган маданияти ва қадриятларини асраб-авайлаган ҳолда бир мақсад йўлида бирлаштиришини, ёш авлод қалбида она юртга му-

ҳаббат, унинг буюк келажигига ишонч ҳиссини оширишни таъкидлаб ўтишди. Бу борада Давлат байроғининг ўрни ва аҳамияти беқиёс эканлигини қайд этишди.

Шунингдек, давлатимиз байроғида юртимизнинг бугунги табиатига мувофиқ келадиган хусусиятлар, халқимизнинг хоҳиш-иродаси, ақлзақоси, асрлар мобайнида топталган ғурурини қайта тиклаш кайфияти акс этганлиги таъкидланди.

Ўз навбатида, тингловчи ва курсантлар маърузачиларга ўзларини қизиқтирган саволлар билан мурожаат қилиб, бу борада фикр-мулоҳазаларини ҳам билдиришди. Тадбир доирасида Академия ўқув курслари ўртасида



«Байроғимиз — фахримиз» мавзусида деворий газеталар кўрик-танлови ҳам юқори савияда ўтказилди.

Курсант ва тингловчилар томонидан тайёрланган деворий газеталарда байроғимиздаги ранглар ва ҳошия чизиқлари, уларнинг маъно-мазмунни акс эттирилиб, унда Ўзбекистон халқининг шон-шарафи, ғурури, тарихи ва интилишлари мужассам бўлди. Шунингдек, байроғимиз билан фахрланиш туйғуси, ёшларни унга нисбатан садоқат руҳида тарбиялаш, уларнинг бу борада миллий ғурурини юксалтириш каби эзгу ғоялар ҳам ўз ифодасини топганлиги қувонарлидир.

**Б. САИДОВ,**  
подполковник.

Сирдарё вилояти Ички ишлар бошқармасининг мустақил бошқарма, хизмат ва бўлимларида ўрнатилган

### «ИШОНЧ ТЕЛЕФОНЛАРИ»

Ички ишлар бошқармаси	(0-367) 235-08-15
Шахсий таркиб бўйича махсус инспекция	(0-367) 235-01-17
Шахсий таркиб билан ишлаш хизмати	(0-367) 235-08-30
Жиноят қидирув ва терроризмга қарши курашиш бошқармаси	(0-367) 235-08-19
Тергов бошқармаси	(0-367) 235-08-20
Хуқуқбузарликларнинг олдини олиш бошқармаси	(0-367) 235-08-21
Патруль-пост хизмати ва жамоат тартибини сақлаш бошқармаси	(0-367) 235-08-22
Кўриқлаш бўлими	(0-367) 235-08-23
Ёнғин хавфсизлиги бошқармаси	(0-367) 226-08-58
Хорижга чиқиш, келиш ва фуқароликни расмийлаштириш бўлими	(0-367) 227-62-32
Йўл ҳаракати хавфсизлиги бошқармаси	(0-367) 225-09-77

Ушбу «Ишонч телефонлари»га ички ишлар идоралари ходимларининг фаолияти билан боғлиқ масалаларда мурожаат қилишингиз мумкин.

### Диққат, танлов!

## «ИНСОН ҲУҚУҚЛАРИ ЖУРНАЛИСТ НИГОҲИДА»



Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди мамлакатимизда инсон ҳуқуқ ва эркинликларини таъминлаш, амалга оширилаётган демократик, ижтимоий-иқтисодий, сиёсий-ҳуқуқий ислохотларни янада чуқурлаштириш жараёнини босма оммавий ахборот воситаларида кенг ёритилишини ташкил этиш, журналистларнинг жамиятдаги фаоллигини ошириш ҳамда уларни қўллаб-қувватлаш мақсадида «Инсон ҳуқуқлари журналист нигоҳида» мавзусидаги ижодий танловни эълон қилади.

Танлов Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди кўмагида ўтказилади.

#### ТАНЛОВ ШАРТЛАРИ

Танловга 2015 йилнинг 1 январидан 2015 йилнинг 1 декабригача республика босма оммавий ахборот воситалари ва интернет нашрларида эълон қилинган, Инсон ҳуқуқлари бўйича умумжаҳон Декларацияси, мамлакатимизда инсон ҳақ-ҳуқуқларини таъминлашга қаратилган қонун ҳужжатларининг мазмун-моҳияти ва уларнинг амал қилиши, инсон ҳуқуқ ва манфаатларини ҳимоя қилишни таъминлаш, шахсни ҳар томонлама камол топтириш, ёшларнинг демократик фуқаролик жамияти барпо этишида фаол иштирок этиши учун зарур социал-иқтисодий, сиёсий-ҳуқуқий шароит яратишга қаратилган ахборот-таҳлилий, публицистик ва фото материаллар қабул қилинади.

Танловга тақдим этилган материаллар мамлакатда фаолият кўрсатаётган босма оммавий ахборот воситалари, интернет нашрларида чоп этилган бўлиши лозим. Тақдим этилган материаллар ўзбек, рус ва қорақалпоқ тилларида тайёрланган, эълон қилинган босма ёки интернет нашри аниқ кўрсатилган электрон ва босма нус-

хада бўлиши керак. Фоторепортажлар асл нусхада тақдим этилади. Ижодий ишларга муаллиф тўғрисида (фамилияси, исми, профессионал фаолияти тўғрисида қисқача маълумот, паспорт нусхаси) маълумотлар илова қилинади. Танловга тақдим этилган ижодий ишлар қайтарилмайди.

#### ТАНЛОВ ҒОЛИБЛАРИГА МУКОФОТЛАР

Ғолиблар диплом ва компьютер жамланмаси, телевизор, планшет ва бошқа қимматбаҳо совғалар билан тақдирланади.

Материаллар «Инсон ҳуқуқлари журналист нигоҳида» мавзусидаги ижодий танловга» деган қайд билан Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фондида 2015 йил 4 декабрга қадар қуйидаги манзилга жўнатилади: Тошкент шаҳри – 100129, Навоий кўчаси 30-уй, 2-қават, 45-хона. Тел./факс: 244-14-28, 244-12-51, www.mmf.uz, e-mail: fonduz@umail.uz.

Ташкилий кўмита.

О‘ЗBEKISTON RESPUBLIKASI IIV BIRLASHGAN TAHRIRIYATI

MUASSIS: O‘ZBEKISTON RESPUBLIKASI ICHKI ISHLAR VAZIRLIGI

Bosh muharrir o‘rinbosari – **Qobiljon SHOKIROV**  
Mas‘ul kotib v.b. – **Zokir BOLTAYEV**  
Navbatchi – **Mixli SAFAROV**  
Sahifalovchi – **Rustam ISOQULOV**  
Matn ko‘chiruvchi – **Gulnora SODIQOVA**

TELEFONLAR: 231-47-82;  
Faks: 254-18-79.



Tahririyat hisob raqami 2021000900447980001,  
MFO 00420.  
ATIB  
«Ipotekabank»  
Mirobod tuman bo‘limi.  
INN 200637499.

Tahririyatga kelgan qo‘lyozma va suratlar egasiga qaytarilmaydi. Nashrimizdan ko‘chirib bosilganda «Postda»dan olinganligi ko‘rsatilishi shart.

«O‘zbekiston» nashriyot-matbaa ijodiy uyi bosmaxonasida chop etildi. Korxonaning manzili: Alisher Navoiy ko‘chasi 30-uy.

Gazeta haftaning shanba kuni chiqadi.

Gazeta O‘zbekiston Matbuot va axborot agentligida 2007-yil 11-yanvarda 0120-raqam bilan ro‘yxatga olingan. Buyurtma №S-4452. Bosilish – ofset usulida. Hajmi – 4 bosma taboq. 69520 nusxada chop etildi. Obuna raqamlari: Yakka tartibda – 180. Tashkilotlar uchun – 366. Bosishga topshirish vaqti – 22.00. Bosishga topshirildi – 21.00. Sotuvda kelishilgan narxda.

**MANZILIMIZ: 100070, Toshkent shahri, Shota Rustaveli 1-berk ko‘chasi, 1-uy.**